


Telles da Silva  
nº 44-

RES.  
388-9.  
4







OLD EAST INDIA HOUSE


EX LIBRIS

*Roies Penrose*



COMPRA  
221182

Geschichte kurtzlich durch die von  
Portugalien in India/ Morenland/ vnd andern erdtrich



4388  
Beschicht kurtzlich durch die vō por-  
tugalien in India. Morenland vñnd andern ertrich des auff-  
gangs von dem durchleuchtigsten Emanuele König portuga-  
lie zu dem hochwürdigsten hern herren. G. Bischoff portuensem  
Allerheiligsten Römischen Kirchen Cardinal portugaliensem  
zugeschickt vñd von yetzgemeltes Cardinals gebiet durch dye  
Kunstreichkeit vñ Besserung des hochwürdigen mans Petri Al-  
fonsi Malherio in den geistlichen rechten Doctor Auch des ob-  
gemeltes Cardinals Capella zu Rom gemacht.

¶ Wer wirt reden die macht des herren/wirt machen all sein  
lobe gehörlich/Werden verkunden alle seine werck in hertzliche  
frewden welche die absteigen in den schiffen in dz mere/Mach-  
en würcckung in vil wassern/die selbigē haben gesehen die werck  
des herren vñd sein wundersame ding in der thieff ¶ Darumb  
nit mit mynder hertzlichen freuden sollen gehört werden die  
Krefft der werck gottes/welche mit götlicher hilff die vnsern vō  
Portigal in kurtz an den enden des obgemelten ertrichs gantz  
zerstört vñd vertilgt die vns gepcinigt haben verfolger des chri-  
stenlichen glaubens/Darumb yetzund anfahet (als sich erzeiget)  
die götliche Betrachtung vñnd macht der auffwachung wider  
die treulosigen vnglaubigen Sarracen vñd yeren prophet pseu-  
do/Vñd auch yetzund anfahet zu bereyten die hochzeit des göt-  
lichen lambs in welcher sein hawssraw die christenliche kirchen  
yetzund vntertrückt ist durch die gantzen welt/Ablege die tren-  
nen/weynung/trübsal vñd trawrigkeit/vñd sich anlege mit zier-  
liche Becleydung der fröligkeit vñd hertzen freuden

**A**ls nun die würcckung des aller durchleuchtigsten  
Emanuelis Königs Portugalie aber billeger durch  
die rechten handt des obersten gottes vō wegen der  
merung vñd erhebung christenlicher geistligkeit in  
India vñd andern orientis erdrichs von obgemel-  
tem König erfunden yetzund wechst vñnd bestetiget in grosser  
auffnehmung mit seiner stetiger wapnung vñnd arbeit Als die  
von got sein Beharren von tugent in tugent/Darüß nott geacht  
durch obgemelten aller weyßten König zu senden in gewappeten



schiffen vor vergāges jar M. cccc. vj. als läge jar vñ in da hyn auß gewöheit gesādet hat ein forderlichen haubtman vñ stetig lich da belibe vñ solch groß ding mit grösserm gewalt vñ stercke hant hielt Darüb da hyn gesant den wolgebom vñ strēgē man fur sich ei koniglicher stathalter herrē Franciscū vñ Almeida da selbig auß verwilligūg des almechtigen gottes zu d ernsthafti gehyn wegfahrung vñd auch zu vberwinden die glawbigen/gebraucht ein glückselige schiffung Da er in die auffgenckliche mo rische pforten in arabische schoß sich wenden kome/funden da konig Quiloe ein nachuolger der sect Mahumeths vnfrumlich bößlich dem konig Emanueli auß verpunftuß verheyßung vñ gelubnus vorlangst mit ym eingegangen erschyn gewissert vñ frembd gemacht auß radt (als man glaubt) vñd raytzung der an dern Sarracen alles vbels vñ veruolgung den gewappeter schif sens armada der von portugaliens durch India vñd morenlant zu faren anlegt/ Entlich da konig Quiloe mit kraffts heer vmb legt vñd außgestritten vñd manche feint ertodt vñnd erwurgt/ Auch gewūnen die stat Quiloa ein foderlicher stull des konig reichs gezirt erfult mit vil reichthūß auff das das sie ist ei karoff stat des ertrichs zo falle des vberfluffigen golds/ do das gescha he der obgemelt herr Franciscus ein andern gebom auß der stat ein surgencklichen vñd edeln der mit gantzem vleiß vñnd trew heyt dem alledurchleuchtigsten konig Emanueli albeg gedie net hat gesatzt zu einem konig vñd mit koniglicher zier vñnd ge wonlicher satzung gekront hat/ vñd ym die herschafft eingege ben hat/ doch das er alle jar gebe sein stewer vñd tribut vñ auch gehorsam wöll sein in allen dingen dē obgemelten konig Ema nueli vñd seinen haubtleuten/

¶ Auch der obgemelt herr Franciscus vor seinem abschyed hat gebawet ein burck in der gemelten stat gar ein veste beschirmūg dz meer auß maysten tayl umbfluffet/ Auß vñderm dar ein ge satzt zu einer beschützung/ vil puchsen vñd andern instrument zu kriegung notturffrig auch gewappeten schiffen Armada vñ andern zu kriegen erfahren wol gezirt/ Vñnd dise burck genant sant Jacob/ das in seinem fest vñd erwerbung in monat Julio des hermonds des konigs vñd stat ein erliche außstreitung vñ

vberwindung vnsern ist geschehen

¶ Dise purck also gebawt der obgemelt herz Franciscus auff dz er nützlich diser stat wonung fursche vil die abflüchtig warn wider hyn ein gebracht/ doch mit vntergeworffen gedig zugelassen wirt außgestreckt diser stat Quiloe reichs durch das merisch ende zwölff hundertmal tausēt schrit vñ gar vil vberschwēcklich reich inseln dar innen seien reich des gleichen vnsern vnterworffen dan in disem ertrich wo dz oberst haubt ist des Konigreichs/ do hyn also bald die ander tayl des reichs sich vnterwerffen

¶ Alle ding als vorgemelt ist ordenlich bereyt vnd wol gezirt der obgemelt herz Franciscus hat gesegelt vnd gefaren von dan zu einer andern stat mynder reich der vorigen der Sarracener stat genat Mombasa eines andern Konigreichs ein haubtstat in dē selbigen tayl der moren gelegen/ die selbige stat vernumen het die zerstörung der stat Quiloe/ mit vil mancher gewappenter hant vnd grosser zall der schutzen/ Auch hundert vnd funffzig buchsen/ vnd mit vil andern gerüsten/ schirm/ polberg/ dye dan zu der beschützung vñd beschirmung gehören/ bereyttet/ Die yetzgemelte stat gleich des vorigen glucks mit hilff des almechtigen gottes/ die vnsern haben angriffen/ lang vnd krefftiglich die in der stat vns widerstunten. Entlich die vnsern außstritten/ zerstorten vñd anzunten/ Auch der Konig diser stat zwischē der mauren mit den vnsern krefftiglich strit/ Do sie der sige vnd obligung zu vns neyget vñd der Konig verzweyffelt an der rettung an einē andern tayl der stat mit grosser meng der bürger diser stat nachuolgt entrān Erwirgt mit wappen von den Sarracenern Lawssent vnd funff hundert/ vnd der vil gefangen/ Also lang mit grosser verwunderung der vnsern werende diser stat grosse anzündung/ gar mancher vnd köstlicher teyl des raubs ist verdorben im feuer/ doch vil des raubs behalten In welchem etliche waffen des Konigs vñd ein seydes zelt/ Auch thebich mit andern köstlichen tüchern/ mit andern Koniglichen gebrauch( als disem ertrich zu eygen gegeben ist) vñ in seinem pallast gefunden sein/ der obgemelt Capitaner dem Konig Emanuel zugesant hat

¶ Dise stat Mombasa also zerstört vnd gantz dē ertrich gleich nider gelegt v obgemelt herz Franciscus verlassen das Indisch

meer/hat gefegelt vnd geschiffet in Indien zu einer insel nachst  
antient die obgemelten stat Amadina genant/zu welcher alle  
schiff die do faren in dē Indischen meer zufugen sollen als zu  
einer pforten/ Vor auß die vō Mecha die vormalß schiffen in  
India/ dan auß forcht vñ anfechtung vñ unsern schiess da hyn mit  
faren thuren/ In d selbigen Inseln diser Capitaneus vnder an  
dern ym vō dē durchleuchtigsten König Emanuel gebotten ein  
sichers vest Castel sant Michael genant zu einer sicherung vñ Be  
schutzung aller Indischer dinge gebawet vmbgen mit mawen  
zwinger fürmawer/ vñ greben mit vil schönen wassern dar vñ  
Beschlossen vñ groß gebew vor langst auß gefierten quadratter  
gemawert gefunden/ In welchen starcken vesten gründen ge  
bawet das Castel/ Auch etliche manche münz golts vnd silbers  
erfunden/ King vnd ander kostliche gezir dē obgemelten König  
zugeschickt/ vñ an seiner statt daselbst einen strengen Capita  
nen haubtman mit einer starcken hilff vñsern edeln vnd andern  
männern/ hat auch do gelassen geschnebelte schiff/ triseltige ge  
wapnete rudrige schiess in disem mere vngewonlich/ vñ vor nit  
gesehen/ vñ andere geschlecht der schiess zu einer ewigen vnder  
truckung dises volkes gar bequem vñ fuglich/ Auff das/ das der  
spruch Ezechielis erfult werd/ Vñ weren fallen die do grüntfe  
stigen Egypten vñ wirt die hoffart seines reichs erstört/ In dē  
tag werden außgen botten vō meinē angesicht mit dreyrudrige  
schiffen zu zertrumschen die hoffart Ethyopie der moren/ vñ d  
wirt sein die forcht in ynen ¶ Also gebawet in Amadina in  
sel das gefestiget vñ woll gezirt Castell/ ist vnser haubtman vō  
dan abzogen außzustreyten ein andere stat d Sarracener Quor  
genant/ in welcher pforten vierzehen jerer grösser schiess hat ver  
brant/ Als vō des wegen/ das der König ist gesehen vō vns wor  
den abwen vñ zu ruck fliehen/ vñ zu verzihen dē haubtman das  
er ym williglichen zu geben verheysen hat/ ym auch gesendet  
hat grosse gab/ vñ den vnsern newe frische speys do er das Ca  
stel in Amadina bawet/ Fürwar d ee abnam an d narung (als dan  
geschicht) fürchtet ergernus/ hat wider begert den verfaumptē  
feinde/ vñ sich gantz williglich zu dienen/ vñ zuerscheinen gehor  
samgliche gegeben hat ¶ Darnach d oft gemelt Capitaneus  
herz Franciscus hat geschiffet in ein vberschwēckliche aller reich

ste stat Canenor/ ein kostliche Kauffstat d̄ Indier. Do selbst an  
dē halß des ertrichs vō d̄ stat außgestreckt in dz mer hat gebaw  
et/ als er dz het in gebot/ ein and̄ Castel wol gezirt vñ befestigt  
sancti Saluatoris/ des heyligen seligmachers genāt/ Mit allein  
auß verwilligūg/ sūnder auch williglich diser stat König unglau  
big die stat des grundes diß castels gegeben hat/ dan̄ er vor an  
mit vns in freundschaft vñ geburtus vereiniget was/ doch mit  
widerrattūg des castels Bawung/ wan̄ sie got dē almechtigē mit  
macht nit widersteen mogen) vñ mit bekumerten schweren her  
tzen mancher Sarracener Kauffman daselbst wōnend/ welcher  
ein mancher grosser vñ vortenter tayl daselbst hat sich gethan  
vñ gesatzt Kauffmāschatz bringen gen Calecut ei großmechtige  
vñ weyte Kauffmans stat/ yetzūd zerstōrt zertruyt vñ zerbroch/  
en mit stetiger schiffung vñ abbruch auff dē ertrich vō den vnse  
ren erlitten/ mit mancher verbrennūg/ abtilgūg vñ töttūg d̄ in/  
woner/ Außvrsach vō volbringūg in die vnsern etliche lesterliche  
Boßheyt/ vñ zerstōrt zerbrochen die sicherheit auß vberredūg d̄  
Sarracener d̄ vndern daselbst handeln vor gegeben/ auß verhen  
gung vñ vñ vielleicht des almechtigen gottes yerer sund halben/ Auß  
welchem d̄arnach wurden außgerewt vñ abgetilgt die Maho/  
metani/ auch kein gemeinschaft in eier solche zierliche stat vñ key  
ner vertrag d̄ vbertrūmūg Christi zu Belial/ Auch keine gleiche  
macht d̄ Sarracener mit den christen/ Gebawet also diß Castel  
die vnsern den halß dises ertrichs zwischen dē Castel vñ Insel  
habē außgegrabē mit umbfliessenden meer gätz sicher vñ fest ge  
macht/ Darauff gesatzt ein haubtman mit hilff trostūg vñ aller  
mechtigsten beschirmūg vnsern rittern vñ gewappeten schieff  
vō Armada ¶ Vñ do d̄ obgemelt Frācisc⁹ diß Castel bawer  
sein zu ym Komien legaten vñ Botschaft in grosser zier gesant vō  
dem König Marsinga ein ungläubiger/ d̄ allermechtigst als man  
meint vnter allen Königen in Indien/ welches sal vñ hoffetlich  
auß den vnsern da hyn sind zogen zu besichtigen dits/ Auch gar  
ei weitte stat seiner stetiger einfigliche wōnung mitten in disem  
ertrich gelegen vierhūdert vñ funffzig tausent schrit vō Caner  
nor weyt stet/ Also vol volcks als man meit dz sechs hūdert tau  
sent herd stet da sein/ Auch die vnsern in seinē hoff habē gesehen  
neun Könignach gen/ auch bey ym sein (als man sagt vñ bekēt)  
so er streiten will hūderttausent reyßiger pfer/ tausent elephan

ten zu krieg gerust/ vñ streyper fueß knecht grosse meng on zall/ Vnd diß Konigs herschung wirt außgestreckt in ein gar langen strich des milten erdrichs/ vill Konig vnter jm hat/ vil Konig an dē stat des Indischen merß/ Stedt am meer gelegen vñ auch stet do man kauffmanschatz treybt/ Diser Konig durch die obgemelten legaten sich verwilligt mit offst gemeltē herren Frācisco ein haubtman freüttschafft vñ alle sein macht zu aller seiner not/ turfft dem aller durchleuchtigisten Emanuel Konig portugalien mit zu taylen/ Auch sei pforten des mers/ an welchē wz er wolt eß wer purck/ castel/ od ander nutzliche ding dz den vnsern dienen zu bawen gätz williglichen zu gegebenē/ Auch zu einer gleublicher warheit vñ sicherheyt seies willen des gemüts Begeren ist eines verwilligūg des eelichen stants zwischen seien sonen mit etlichen dē Konig Emanueli zu gehōren in d̄ gesibt der freüttschafft des blutes halbē Darūb hat gesant kōstliche gabe dē aller durchleuchtigisten fursten Joanni dē erstgeborn des Konigreichs portugalie/ gulde geschmuck nach gewōheit seis lands/ vñ kōstliche schöne tucher vñ zugesant hat zu dē vater Emanuel gnadēreichlich angenehme Brieff. dē selbige er sichselbs vñ alles dz sein williglich surgehaltē mit grosser zuuerstengebūg seies gutwilliglichen vñ dienstbarlichēs/ Auff dz widerūb yetzūd d̄ geist des herren vernewen ist (als erscheint) ein eusserliche gestalt des ertrichs/ nach vntergedrucktē so lange zeit chüstelichs glaubēs/ Billich auch dz von vnserm seligmacher vñ seinē heyligen glauben widerūb moge gesehen vernewet werden/ Er herschet vō mer bis zu dē meer/ vnd bis zu den örtern der welt des ertrichs/ Vor dē nyderfallen die moren vñ die insel gabe williglich bringen

**E** Vntter den andern aber die zu dē Konigreich vnd hoffe dises großmechtigen Konigs zuneheten ist gewesen ein Bruder Barfuser ordens vō Konig Emanuele vntter andern da hyn gesant/ d̄ selbig vier jar do selbst gewonet/ Sagt diß Konigs volck vñ seie vntterthane in grosser maß geschickt vñ geneygt zu d̄ erkentnis vnser heyligen glaubens vñ chüstlichs gelube/ welchs ding dē selbigen Konig Emanuel vber alle ding angenemer ist/ vnd bewegt in zu merern frewdē/ dan er hofft auß götlicher gütigkeit auch gar seer auß seinem gemüt alweg dies vermessen vnd vermeynt hat/ Auff das in vnsern tagen barmhertziglich bewegt

werd zu etzlicher zeit mit anklopfung vnd treybung dits Königs  
solcher grosser werck / zu öffnen disem die thür der bekerung vnd  
seiner barmhertzigkeit ¶ Also das Castel in Canenor gebawet  
ist abgezogen vñ dan herr Franciscus haubtman vnd kumen  
in ein stat Cochin des merß gar ein weyte faroff stat des selbi-  
gen stat oder pforten des merß do selbst ein schloß vergangen ja-  
ren vñ etlichen edeln der vnsern gebawet / vnd von yeren zuno-  
men Alboquerqz genant mit langē grossen vñ krefftigern stein  
der mawern ein vmbgancß zwinger fürmawer vñ grosse grebē  
vmbgeben / mit gar weyten darinnen wirtshausen vnd hats  
gar woll befestigt mit vil geruster menschen vñ streypterlichem  
zeug vñ mit hilff d schiff armada Dan do wirt sein dises haubt-  
mans forderlichste wonung vnd ein anzeygung der würckung Ein-  
macht zu allē gebrauch nützer vñ bequemer Dan vor allen din-  
gen in disem marck vnter andern specereyen da ist forderlichste  
macht vñ meng des pfeffers Also do beleyben zu hilff durch dz  
ertrich vñ stete außgestrewt ein grosse meng d edeln des Königs  
Emanuelis auch vbertreflichen rittern da ist auch ein gewap-  
te meng d schiff dreyszig vnter welchem dreyrudrich vñ ande-  
re rudrige schiff mit geschnebelten vermischet zu der merischen  
anfechtung vnd ansfarung wie man will zu yeren wider die feint  
zu machen ¶ Auß disem marck Cochin vñ schloß obgenanter  
herr Franciscus hat verschafft erneydische feintschafft auß zulauf-  
fen in die porten der stat Coula am mere Do die vnsern hetten  
angezüt. xxxliij. Sarracener grosse schiff kauffmanscharz verka-  
fen / geschē ein grosse nyderlegung der feint vnuerfert wider zu  
vns komen die vrsach dits dan vor der zukufft des Capitancier  
sind erwirgt wordē in der selbige stat auß rat der Sarracener  
bey sehen ob zwölffen auß den vnsern doch vormals verheissen  
sicherheyt disen die do hyn handelten ¶ Daruber die vnsern  
gebawet (doch vor vil streytung gehabt vñ vberwindung der feint  
mit vil vergiessung des bluts kein besichertz fest Castel in mittē  
dis ertrichs genant Emanuel vber die stat Cochin an den pach  
des grossen vñ schiflichen fließen wassers eifließer in dz indisch  
mer Daruß mit allein in dz ertrich d feint werdē gar leichte ein-  
lauffung / Auch mit eingang der feint in die vnderen vñ die vn-  
sern verschlossen verbündnus haben / Besunder auch burde des

pfeffers vñ ander specerey/ vñ köstliche kauffmanschatz frey vñ vnbeleydiget von vnsern werden herauß getragen/ Dan gantz vertilgt des selbigen dings ein macht d̄ feintschafft/ Aus welch en dingen geschichten geworden ist. dz in dē selbigen ertrich ein grosser schrecke des chrustenlichen gelauben nomen haben/ Auch allein eingeschlagen vnd gefallen yetzund kein schieff in India noch Morenland on sicherheit vnser haubtmans dar schiffen Auff dz der spruch Isaie werd gesehen erfüllet/ Die arbeit egip/ ti vñ gewerbreybüg der moren vñ sabaym erhöchte menner zu dir werden geen vnd dein werden sein.

¶ Aber mals andere Castell in andern steten dises ertrichs der obgemelte aller vernufftigs König Emanuel yetzund heist Baro en zu ander nutzbarkeit zu chrustenlichen gemeinen nutz diener vñ gottes dienst bequeme/ in welcher als er gätz krefftiglich ge trawet d̄ vntörlich got gleicher barmhertziger bewegung werd geben glückselige bekümmung

¶ Fürwar so manchen vñ vil der Sarracener in morenland vñ India ertöttig vñ verbrennig/ nit auß Begebüg noch glücklich keit d̄ verenderüg der dinger/ besunder billiger/ götlicher vñ of/ fendarer rechter erkantnis gottes vñ haymlicher bedeutung zu schreiben ist offenbar erscheinet/ Nit mynder gar schnell erfüllt wirt das do vorgesagt hat in d̄ heymlichen offenbarüg Johan nes behende volkumenlich zuküfftig sey von d̄ schnellen Sarracener vñ Babilon zerstörüg vñ hynweck nemüg der vō dē auff/ gang reichthum vñ handelüg von seiner hende sprechen/ werden weynen vñ klagen sich vber dise die König des ertrichs/ welche gelebt in yerer wolust/ wann sie werdē sehen den rawch seiner an zündüg/ vñ die gewerbreyer des ertrichs werden weynen vñ trawren vber das/ dan yere kauffmanschatz wirt nyemätz mer kauffen/ kostbarliche stein/ palein/ cymant vñ wolricheten/ vnd salben vñ weyrachs/ Vñ die kauffleut die reich sind worden werden vō verren steen vō forcht d̄ peinigüg weynen vñ klage dan in einer stund krafftloß gemacht sein solche grosse reichthum/ vñnd aller herscher vñ alle die in seh schiffen/ vñnd schiffmen/ ner/ vnd die do würcken in dem mere vō weyt seind gestanden vñnd haben geschryen do sie gesehen haben die stadt seiner an/ zündung/ vñnd haben gestrewt den stawß auff yere heupter/

vnd haben geschryen weynen vnd heulen sprechen/ we we di/ se grosse stat in welcher seind alle reich gemacht/ welche doch schiff hetten in dem mere von yerēlon/ dan sie ist in einer stund zerstört/ Frewd dich vber sie hymel vnnnd heylige apostel/ wann got der herz hat erzaigt ewer gericht von jr

**D**arumb ytzund erfüllet zu dem maisten tayl nit mynder dan weyß gesagt also grosse götliche heymlichkeit vnd widerumb gegeben von dem vntödlichen got zu dē maisten tail zu erheben den christenlichē glauben solche grosse gluckselikeit des andechtigisten Konigs Emanuelis fur die arbeit des auffgangs vnseren herren christi. Jesu/ Surwar vberflüssig zunemen sol in allen dingen die christeliche hertze erfrewung do vberflüssig zu nympt so grosse würckung Jesu christi/ auß welcher würckung nit allein wunderliche erhöhet wirt die christliche zier/ manche sele zu dē glauben bekert/ vnd mit dem zeichen des heyligen crewtz vnd heymlicher geschickt im erdrich vor vnbeant/ Ein verkündig newß volcks/ Besunder auch allen Sarracenern voraus dem Soldano auß grossen tayl wirt gemynert sein macht/ sein gemüte zerstört wirt/ vnnnd hynweg werden genomen groß mechtig reichthum den selbigen vom auffgang in welcher ire krefft der macht wider vns ernert werden/ Darumb gegen ist der selbigē ein grosse verzweifellung/ do sie sahen so grosse heymliche verporigen dinct in anhangen/ Auch gantz yerer nachfolgung der ketzerey zerstörung auß alten weyßsagunge argwonick gedencen/ Dan ytzund sehend sie zukunfftig one aller hilff der todtlichen menschen/ wie leichtlich sey tag zu tag mit vnsern gewappten ein stete antreybung der durchauschweyffung vnd durchgeung/ Vnd auch nit allein in manchs anders ertrichs des auffgangs/ vnd on zalle der inseln/ Vnd auch meer die Taprobana vorzeiten ein andere welt geschetzt/ die do allein vier tagreyß der schiffung von vnseren steten weit ligen ist/ Besunder auch in dem ynderlichisten Arabisch vñ Persichs pforten gestat oder vffer der schoß des vmbschweyffs/ Auff das nothafftig wirt dz in den vorgegenste der trewlosen vngelaubigen Sarracener stuel Mecha zwo tagreyß der schiffung allein verreten ligt/ ytzund die vnsern eingien vnd auch seins falschen propheten pseudo zerstört



rer menschlichen geschlechts Mahumets verwoiffens vnchrist  
lichen grab/ werdent sehen vberwintliche wasser der christen vn  
entzündung des feuers in dem geyst des munds des herren  
zu seiner zusammenblaffung der außbrennung/ So wunderbarlich  
durch vns do hyn gesant/ in geben so vil peyn vnd clagung als  
vil er sich wider got erhöhet hat/ welcher doch zu erstören ist in  
erleuchtung seiner zukunfft/ Welcher doch mit solchen grossen  
heymlichen dingen vnsern gewappeten yetzund von dem auff  
gang wunderlicher weysß anfahet zu erleuchten/ wann es ist der  
herz d do selbst fur vns streyt. Daruß mit dē propheten hertzig/  
lich zurewen ist/ Großgemacht sein deine werck o herre/ vō dē  
auffgang bis zu dem nydergäg löbliche ist dein name/ Alle ding  
in clugiger weysßheit hast gemacht/ Erfult wirdt das erdrich in  
deiner besitzung/ Mit mynder mit Johāni apostel manchs lob  
gesang alleluia zu singen/ Eer vnd lob vn krafft got vnserm her  
ren/ der do geurtailt hat von der grossen bössen offen frawen  
die erstört hat das erdrich wir vns frewen/ vnd hertzlichen frö  
lich sein/ lobē vn eer ym geben dan die hochzeit des lamps got  
tes/ vnd seine hawßfraw wirt bereyten sich als ein vertrawte  
gespons gezirt mit yerem man.

Gott um Gott um Gorn des Lob und grünen  
Gorn Liben Lieben Michael Maria

Gott um Gorn für Maria  
Irenk um Gorn

Johann Kaffallner geboren

in Gorn 18 Juli ~~1780~~ 1802



*[Faint, illegible text, likely bleed-through from the reverse side of the page.]*

*[Faint, illegible handwritten text.]*

RES.  
W 388 P.



